

明

史

明史卷二百七

列傳五十八

顧佐邵興 陳勉 魯穆

段民 吳訥 吾紳

魏驥 章敬 王士嘉李文郁

陳璉

顧佐字禮鄉太康人建文二年進士除莊浪知縣永樂初以才望入為御史奉命招撫廣西慶遠蠻又督採木西川又從北征巡視關隘還遷江西按察副使十四年召為應天尹剛稜不撓吏民畏服人比之包孝肅十八年定都北京改順天權貴人多不便之出

為貴州按察使仁宗素知佐既嗣位召為通政使宣
德三年都御史劉觀以貪被斥宣宗問楊士奇楊榮
廷臣孰可掌憲者兩人久不對帝曰不應乏人至此
士奇對曰通政使顧佐公廉有威昔任御史及按察
使並著風采榮亦言佐為京尹能防禁下吏政清弊
革帝喜曰顧佐乃能如是立擢為右都御史賜之勅
獎勉之命覲察諸御史黜不稱者御史有缺舉送吏
部補選佐視事即奏黜御史嚴暄楊居正等二十人
謫為吏降八人罷三人而舉進士鄧綬國子生程富
獨選知縣孔文英教官方瑞等四十餘人堪任御史

帝使歷政三月而後任之亡何居正等六人辨懇帝
怒并前為吏者悉成之而瞿自成所潛遁入京會久
要賄為佐所奏法司捕當死佐復奏瞿憾臣甚謀如
害遂命戮瞿帝北巡命佐留守帝還復賜佐勅令約
束諸御史於是糾貪殘黜淫縱朝綱肅然天下想聞
其風未居歲餘有姦吏犯科者據奏佐受隸金私遣
歸帝密示楊士奇曰爾不嘗舉佐廉乎對曰事有之
顧中朝官俸薄僕馬薪屬資之隸遣隸之半使出外
免役隸得歸耕官得資費中朝官付然臣亦然先帝
知之故增中朝官俸帝歎曰朝臣貧如此因怒訴者

曰朕方用佐小人敢誣之必下法司治士奇對曰細
事不足干上怒但付佐治足矣帝以吏狀付佐曰小
人不樂卿檢制敢誣正人汝自治之佐頓首謝退召
吏至言上命我治汝等敢行吾貸汝帝聞之益喜
謂佐得大體亡何又有告佐不理冤訴帝怒曰必重
用教之排佐命鞠之果出千戶臧清時清殺無罪三
人奏當死故使人誣佐帝曰不誅清則佐法不行立
命磔於市八年秋佐有疾謝事乞歸不許以南京召
都御史熊鰲代之踰年而鰲卒佐疾良已入見帝慰
勞之令免朝賀視事如故正統初佐考察御史不稱

者十五人降黜之時邵宗九載滿吏部已考稱亦與
馬宗不服奏辨尚書郭璉亦言宗已考稱離任不應
與在任者同考帝遂責佐而御史張鵬等復劾宗微
過帝以鵬朋欺弄切責佐佐即上章致仕去賜勅獎
慰資鈔五千貫命戶部復其家家居十餘年卒佐性
嚴重守正嫉邪人皆敬憚之每旦趨朝小憩外廬立
雙藤戶外百僚過者皆折旋避之入內直廬獨處小
夾室非議政不與諸司群坐人稱為顧獨坐云時邵
紀在南京與佐群名紀字以先蘭谿人永樂四年進
士授監察御史巡按江西廣東福建所過以威嚴肅

物仁宗監國知紀廉直三法司長官有缺輒命紀署
之有重獄輒以付紀紀長於聽斷事無留滯歷江西
福建按察使宣德三年入為南京左副都御史時南
都吏事多廢弛紀奉勅點罷御史不職者十三人偕
六卿簡斥諸司庸懦不肖者八十餘人一時法紀為
之振刷居二年以疾卒官紀為人員氣自用好侮慢
同列治獄頗刻深然持身廉內行修潔母喪哀毀芝
再產於庭人稱其孝感又有陳勉者寧都人與紀同
年進士除監察御史清慎端方出為廣東副使仁宗
初以楊士奇薦擢左副都御史宣德間與伍同奉蠶

職寺坐失出下詔獄得釋信豐諸縣盜起以勉江西
以命撫之復業者復除三年勉至招徠三千六百餘
人亂遂定正統中歷兩京大理寺卿景泰初進南京
右都御史掌院事致仕卒勉外和內剛精通法律吏
不敢欺又有嚴辨者繫昌人建文中進士歷青神丞
以知縣以薦擢江西按察司僉事坐累左遷順慶同
知入為吏部考功郎中湛靜自守尚書蹇義薦之擢
大理寺右少卿清軍蘇松諸府執法不撓調南京僉
都御史與鄧玘同心治事屏黜貪殘剛果自信嘗著
神華賦以見志焉

身積勞希文夫人永樂四年進士家居褐衣蔬食足
跡不入州府此謁送有司餽之臨發曰吾方從仕未
能利物乃先屬州軍可乎竟弗受除福建道監察御
史仁宗監國穆屢上封事漢王高煦方有寵滿朝官
奄將校四出恣不法莫敢言者穆上章顯劾之章獲
不報然直聲振朝廷遷福建按察司僉事奏露該縣
淫祠理寃濫推豪強孤立行一意不可干以私泉州
人有善姓者其妻被與富姻林祥私會李調官廣兩
肆違憚隨尋道醜之而室其妻李宗人訴於府知府
趙瑄反坐訴者訴按察司亦如之繫獄久弗釋穆廉

得其賈正隸等罪漳州民周允夫無子以姪後晚而
妻生乎固析產與姪而屬以妻子允夫死姪言兒非
叔父乎遂去盡奪其貲妻訴之務大名縣父老及周
宗族密置妾乎庫兒中令識戒指兒類允夫遂歸
其產民間呼為魯鐵面時大學士楊榮當國其家人
犯法務治之不少貸榮顧謂務賢薦之朝正統初擢
都察院右僉都御史順天八府蝗命務等往捕還以
疾卒計聞官給舟歸其喪始務入為僉都御史所載
不過囊衣工部尚書吳中贈以器皿謝不受至是中
為治棺衾乃克殯子崇志登進士授給事中歷應天

府尹廉直有父風

段民字時舉武進人永樂二年進士選庶吉士讀書
文淵閣以與修永樂大典除刑部主事又與修五經
四書性理大全進郎中山東妖婦唐賽兒作亂三司
官坐縱寇誅擢民山東布政司左叅政當是時索賽
兒急盡逮山東北京尼脫人盡逮天下出家婦女先
後幾萬人民撫定綏輯力為矜宥人情始安車駕北
征民轉餉舟由濟寧達河俄又令陸輓水居庸關
至塞外民深計曲筭省財節力下不擾而事集既還
勅民與巡按御史考所過府縣吏廉墨以聞宣德二

年召入同考會試明年命署南京戶部右侍郎。明年
實授。又明年改刑部。初二部皆以不治聞。民至紀綱
修舉宿弊。以革。帝以民廉介端謹。特賜勅。令考察南
京百官。民嘗奏上元民有姪毆叔者。叔以越告。當戍
邊。而姪止輸贖。輕重失倫。宜詳定。帝是民言。宥其叔。
八年詔書罪囚。自十惡外。並減一等。有重囚三十餘
人。例不得赦。民亦減其罪。後有司報決。乃復追還。而
逃已數人。民自陳狀。帝宥之。給事中牟富等劾民。帝
知民賢。竟不問。九年卒於官。貧不能殮。都御史吳訥
視以衣衾。帝聞命。有司營葬。成化間葉盛奏請褒恤。

不果其後百有餘年始追議襄介

吳訥字敏德常熟人父任沅陵簿坐事繫京師訥上書乞身代事未白而父歿由是感奮力學旁及岐黃之術府縣交薦為學官不就永樂中以醫薦至京仁宗監國聞其名命教功臣子弟近臣復有薦者成祖召至北京奏對稱旨俾日侍闕廷併顧問洪熙元年侍講學士沈度又以經明行修薦授監察御史出按浙江時軍因逃者輒構詞令家人妄捏逮繫多者至千人訥請嚴禁即有寃不得越告帝命法司從之訥在浙以振風紀植綱常為務繼按貴州恩威著於遐

裔將代還土人相率詣闕乞留不許宣德五年進南
京右僉都御史尋進左副都御史正統初南京光祿
丞董正等侵盜官物訥發之下獄誦成者四十四人
光祿為清右通政李珍奉使蘇松行事多不謹訥微
誠之珍不悅劾訥稽延詔書不即收捕有罪訥抗章
辨刑科不直珍劾珍挾私報憾諸御史并劾訥知珍
貪墨不糾發並宜罪遂逮二人下獄既而釋之謂不
忠貞墓見其偏隘為撤道士垣屋還所侵地輯歷代
名臣諫疏以風厲諸御史訥前後皆任臺職凜有丰
采積案旁午裁決精敏而不察察求人過然奸貪不

法之徒亦潛自消阻英宗初御經筵訥錄所輯小學
集解上之正統六年請老特賜宴遣歸家居布衣蔬
食環堵蕭然周忱撫江南欲新其居立辭謝之晚益
嗜書立言必闕世教家居十六年而卒年八十六謚
文恪繼訥掌南院者朱與言字一鶚萬安人永樂九
年進士入都察院理刑居二載超授湖廣按察僉事
宣德中秩滿課最遷四川副使令州盜起三司檄與
言往勸至則賊已逸去與言督吏日熊鼎躡之斬六
十餘人賊勢遂衰事聞擢鼎合州同知雅州妖人自
稱鬼王聚衆為亂與言執送京師境宇以寧英宗踐

昨召為右副都御史蒞事南院尋出理兩浙鹽政入
代詢領院事年老致仕卒與言剛方廉慎為政務本
體數建白切時弊家居門庭肅然鄉人有不善惟恐
與言知之

吾紳字叔緒開化人永樂二年進士選庶吉士進學
文淵閣紳年最少帝聞其與同列言理刑事遂除刑
部主事果稱職久之遷郎中踰年超拜禮部右侍郎
帝顧謂尚書呂震曰吾紳出自翰林可佐卿典禮既
而為震所擠出叅政廣東宣德四年復入為行在禮
部右侍郎遭喪起復視事改南京刑部奉勅考察兩

廣福建方面官劾罷僉事周瑛楊蓋陳禮等有奏改
素貪黷結權要以自庇其紳故寮友也卒熙之時稱
其公正統五年改禮部明年卒官紳性率直於人無
所較不以榮辱介意清白一節兩京僚屬皆嚴惮也
初拜侍郎六卿以下皆集賀其門而一室蕭然子無
供其或誚之曰拜官不祀先會客乎紳笑而已

魏驥字仲房蕭山人永樂中以進士副榜授松江府
崇訓導督課精勤每夜分自携茗粥勞問諸生諸生
皆感激自奮多成就者召修永樂大典書成遷任十
七年用吏部侍郎師達薦遷太常博士成祖謂劉

履節為御史九年高皇帝方授是官不輕予人也宣
德初遷吏部考功員外郎歷南京太常寺少卿正統
三年召試行在吏部左侍郎踰年為真畿甸蝗奉詔
巡視聞民疾苦尋以老辭不允調禮部改南京吏部
十三年滿九載入見乞致仕不允進南京吏部尚書
明年英宗北狩驥率諸司條上時務多見施行景泰
元年年七十致仕驥蒞官務大體在太常山川墳獲
雙角兔折內生瑞麥皆却不進在吏部有進士未終
制求為考功者同官將許之驥持不可法司因早恤
刑有王綱者惡逆當辟或憫其少欲緩之驥曰此婦

人之任天道不時正此故也獄決而雨正統中甲寅
王振怙權寵於公卿少所加禮獨嚴重驥嘗呼為先
生景泰初以請老至京師大學士陳循驥門生也請
間曰先生雖位冢宰未嘗立朝願少待事在循輩而
已驥正色曰君為輔臣當為天下進賢才不得私一
座主退語人曰渠以朝廷事為一己事安得善終竟
致仕去驥端厚祇慎顧勁直好別白君子小人恆曰
無是非之心非人也家居憂國及民老而彌篤蕭山
教多水患有宋縣令楊時湖隄遺跡驥躬倡修築螺
山石巖畢公諸塘堰操江潮興湖利鄉人賴之居恆

布衣糲食不殖生產事兄教諭騏雖老益恭騏時戴笠行田間與野人田父雜處不為崖異常遇錢唐主簿不及避簿遣隸訂問之答曰魏騏又問曰蕭山魏騏也主簿倉皇前謝騏慰而遣之成化七年監察御史梁昉上言臣先任浙江蕭山縣知縣見本縣致仕南京吏部尚書臣魏騏歸老里居與里人稠處教子孫墾墾力田增提海潮悍禦災患於凡所行動應理法倡明理學以勗後進雖在林野有補治化竊惟騏生平學行醇篤心術正大諳於世事瞭於國體今致仕六十餘年年九十八歲四方仰德有如鄉雲百年

化育滋此人瑞臣讀前史有以歸老賜祿畢其身者
有尊養三老五更者有安車蒲輪召者有賜几杖者
上茲德也驥茲德有餘爵在上卿可稱達尊乞下所
司斟酌前代故事施行帝覽奏嘉歎遣行人張和存
問賜羊酒命有司月給米三石使命未至而驥卒卒
之日神色不亂盥漱就枕儼然而逝計聞賜祭葬如
禮謚文靖其子完以驥遺言請闕辭營葬乞以其金
賑饑民帝慨然曰驥臨終遺命猶恐勞民可謂純臣
矣許之既而蕭山民德驥不已詣闕請祀驥於德惠
祠以配楊時制曰可

章敬字尚文會稽人永樂二年進士入翰林為庶吉
士進學文淵閣久之授刑部主事仍與儒臣纂五經
四書性理大全諸書時山西盜肆劫捕數百人鞠之
多不服敬察其冤留詞色異者一人餘悉遣出期旦
日復來同官爭不可卒遣之明旦至如約復訊之果
留者盜餘非也再遷郎中改吏部考功郎調驗封宣
德五年擢禮部右侍郎奉詔往安南命黎利權國事
利遣人白相見禮敬諭之曰吾奉天子命至汝國汝
敬使者即所以尊朝廷奚白為利惶恐趨拜坐於下
起而利欲啗以聲色敬不為動比還致厚贖復不受

則以付貢使及關悉關貢物封其贖付關吏後利死
于麟嗣敬復奉詔往關吏見之曰此前天使不受贖
者耶此還却贖如初麟亦不敢更進正統初遷左侍
郎敬思慮精詳謂承平既久典禮損益不無差殊乃
取洪武來條格悉纂集之使諸司叅酌吏胥無能叢
奸時尚書胡濙尚寬大敬佐以嚴肅緣吏有欺雖小
不恕遇事不為姍阿人服其剛毅久之卒於官子瑾
由進士歷禮科都給事中景帝監國權禮部右侍郎
諸御史劾瑾當英宗北征宜危從託疾不行遂下瑾
獄當誅會赦瑾妄援為事官復職例趨朝謝復被劾

下獄詔宥之瑾出獄三日慚憤而卒

王士嘉字道亨武城人建文中由國子生除大同小
陰知縣善決疑獄有賁錢百緡卧樹下者覺而失之
懇於官士嘉曰此樹為祟也吾將治之趣駕出士民
駭異傾城往視密令人偵不往者果得盜代王府內
藏失帛戶局如故士嘉曰此必狙公教狙竊之乃陳
幣於庭呼羣狙過伺而觀之果有狙攫去詰其主皆
服人以為神永樂二年擢陝西按察司僉事入為工
部員外郎進郎中宣德七年用為遼陝西布政司叅
政所至以清操著英宗初復用楊士奇薦召為禮部

右侍郎補璫幾旬因奏停不急役請發庫賑饑成報
可士嘉為人狷介臨事持正不苟與尚書吳中同里
閻默簿中為人中每見之亦不覺自失正統六年致
仕景泰末平年八十七子玉由進士為翰林檢討性
剛躁士嘉恒以為憂後聞玉遷河南副使喜曰禍不
及家矣既而玉怒健教官反為所屈竟疽發背而卒
與士嘉同時以清節著者有李文郁邵師顏文郁襄
陽人洪武中由歲貢生授教諭歷行人成祖嗣統超
授通政叅議擢戶部右侍郎以太廟失陪祀被劾下
東謫戍遼東居戍所二十載至洪熙元年始用為召

為通政叅議尋改南京宣德七年致仕卒文郁性介
直謹持守久處患難不移其志士林重之師顏宜都
入洪武間以國子生擢工部主事歷江西左叅政永
樂初坐事免用薦起為御史執法不撓同官白春受
賂李公敏賈見繫囚親屬為妻劉先劉勉張睿郭衡
商忠並娶人士婦皆劾而黜之遷大理寺丞嘗署戶
部憂原吉下獄師顏亦坐繫仁宗即位釋之進禮部
右侍郎踰年告歸省墓還至通州卒貧不能歸喪宣
宗聞命驛舟送之并詔自今京官卒者皆給驛師顏
廉介自持請寄不行而議者或譏其近刻云

陳璉字廷器，東莞人。洪武間，領鄉薦入國學，選為桂
林府教授。秩滿，遷國子助教。永樂初，用薦擢知許州。
改滁州。成祖北巡，先遣使者察所過有司賢否。咸言
璉有異政，遂召使扈駕。州人恐其遷去，詣闕乞還。乃
擢揚州知府，仍駐滁州。賜寶鈔襲衣，命禮部宴而遣
之。又九載，超授四川按察使。蜀去京遠，民不畏法，奸
豪暴橫街里，長吏不敢譙訶。璉悉捕抵罪。宣宗初，疏
陳明禮制一風俗、修武備、慎刑罰、興義倉五事。帝頗
嘉納。尋以璉有學行，召為南京通政使，掌國子監事。
丁艱，服闋還。准通政司事。正統改元，遷南京禮部左

侍郎居六年致仕久之卒璉執行誠篤博學善屬文
嶺南人師表奉之

論曰太祖痛懲貪蠹之吏用峻法繩之成祖之時餘
風尚未殄也宣宗既立特用一二清剛之士使柄權
衡力為磨剔而後其風始一變若顧魯叟諸人豈非
矯矯自持振厲頽靡者耶吳魏名德薈如為世坊表
吾章王陳敬歷中外亦風節凜然古人有云廉頑立
懦庶其無愧矣

明史卷二百八

列傳五十九

郭璉

黃宗載

王李

讓郭

敦李

景

張本

徐琦

李

郁柴車

鄭辰

魏源

陳王

鼎質熊

藥葉

春

虞謙

賈諒

丁曹

璿嚴

本呂

仰瞻

郭璉字時用初名進新安人永樂初以太學生擢戶

部主事歷遷福建布政司叅議山東布政司叅政五

年拜工部右侍郎九年遭艱起復十九年偕給事中

章雲巡撫江西遷改吏部仁宗即位命兼詹事府少

詹事更名璉宣宗初掌行在詹事府尚書塞義以老

報部務帝欲以璉代之璉厚重勤敏然寡學術楊士
奇言銓衡之任宜妙擇大臣通經術知古今者璉恐
不足當之帝乃止璉年卒以璉為尚書帝每令璉勤
咨訪諭以呂蒙正文袋虞允文材館錄故事璉由是留
意人材進士李賢謁選試嘉禾詩識為輔相材授吏
部主事後果為名相時外官九年考滿部民走闕下
乞留輒增秩復任璉慮有要求妄奏者請自今令撫
按及二司覈實從之璉雖長六卿然望輕又政歸內
閣自布政使至知府闕聽京官三品以上薦舉既又
命御史知縣皆聽京官五品以上薦舉由是要職選

擢督察開吏部正統初左通政陳恭疏言古者擇任
庶官悉由選部職任專而事體一今令朝臣各舉所
知惡關私謁之門長奔競之風乞令杜絕一歸銓部
中某部錄越選黜不敢當事遂寢正統六年御史曹
恭以災異請罷大臣不職者帝命科道官叅議於是
繼及尚書吳中侍郎李庸等被劾者二十人繼等即
且去章官臣等無狀實召災變祈聖恩涵貸俾圖自
新帝初責而宥之八年繼子亮受賂為人求官事覺
御史孫毓等劾繼貪墨致仕去

陳宗載一名堂字厚夫豐城人洪武三十年進士授

行人奉使四方未嘗受餽遺累遷司正永樂初以爲
爲湖廣按察司僉事時湖廣諸道惟銅鼓五開最難
治天下巨奸宿猾多謫戍其間善舞文興事陰指官
吏短長分廵者多避不願往宗載毅然治行榜諭諸
縣豪條數其罪自不改必寘之法衆皆惴服相戒莫
敢犯四年徵詣元淵問修永樂大典書成受賜歸重
造海運巨艦數十艘中朝新遣官務爲苛察宗載鎮之
以靜民得無擾七年奉駕北征徵兵湖廣使者貪暴
夷期宗載坐不舉劾請楊青驛驛夫十一年起爲水
東遊御史彈劾不少遷廿四年命巡按察陝西平賊

尚書黃福兼掌文趾布按二司才量過人不立崖異
御史往往多易視之宗載獨恂恂恭讓及歸橐中無
文趾物福語人曰吾居此久所接御史多矣惟宗載
知大體丁祖母憂起復尋改詹事府丞洪熙元年進
行在東都左侍郎奉命往浙江理軍政伐宮殿大材
於湖湘設施措置舉不失宜英宗初立被劾下獄未
幾獲職遷南京吏部尚書居九年引年乞休章曰無
為歸數年卒年七十九宗載持素守正不矯不隨
學問文章俱負將望同時佐銓者又有王讓李敷讓
舉宗禮南昌人建文中由鄉舉授國子學錄母喪廬

舉致淵泉之應舉樂十年成祖嘉其存命特置永蘇
說審議官誠行滿深為表孫所敬久之遷助教表孫
升儲權右贊善既即位起拜吏部右侍郎嘗督賦鎮
江諸郡吏民懷其德為侍郎六年致仕又二年卒
有儒者矩度居官善自守久以長考稱之數客居學
海人永樂初由衛經歷遷吏部主事歷禮部員外郎
出為陝西參議累遷四川右布政使臨事剛決號金
必行劬茲弊無所貸蜀人呼為鐵面李正統六年
召為吏部侍郎在任四年卒
鄭敦寧諱厚雲冠城洪武中以鄉舉入太學校以鄉

主事遷衛州知府多惠政衛俗貧不能葬者焚屍沉
之教為厲禁且立義所百餘畝其俗遂革歲旱禱雨
雨立至蝗為災為文檄城隍神即夕大雨雷電蝗盡
死城西有淫祠歲四月男女聚謁祠下教禁止之已
得風眩疾民勸教弛其禁弗聽疾亦廖舍內蠶箔吐
叢絲類織成鞞帶修廣適度郡人謂教仁政之應在
衛七年永樂初坐累徵詣京師耆老數百人伏闕乞
留不得揮涕而去教竟失官五年廷臣言教廉正不
阿召補監察御史遷河南左叅政調陝西以公務留
京十六年春劾濫官於成祖曰郭教有大臣體宜在

左右即日召見病不能起遣御醫視疾疾愈入謝慰勞再三賜鈔及襲衣擢禮部右侍郎兼太僕寺卿十九年命偕給事中陶術巡撫順天仁宗即位以大行喪不齋宿降大僕卿旋進戶部左侍郎兼詹事府少詹事宣德二年進戶部尚書陝西旱命與陸平侯張信往撫之數至奏請蠲逋賦賑貧乏考察貪吏罷不急之務凡十數事悉從之歲餘召還任部多所興革罷王田之奪民業者令民開荒田不起科是時民苦漕運漂劫教建議民運至瓜洲儀真給行資與衛卒運至京民甚便之六年卒於官教統資溫雅居官剛

正人不能奪位至到鄉泊然而素身歿家無餘貲與
穀並為戶部者有李果涇陽人洪武末由鄉舉入國
學授都督府都事擢戶部郎中成祖即位命安撫北
平州縣時兵革之後民物凋敝果盡心綏輯瘡痍漸
起永樂元年置行部以果為右侍郎十八年行部廢
改戶部明年與給事中劉渙巡撫山東還督北征饋
運洪熙元年復置行部以果為左侍郎行部再廢復
調戶部宣德五年進尚書專理倉場明年卒果居官
勤恪不懈廉介有守先後官行部者十數人惟果居
職最久為人所稱

張本字致中東阿人洪武中自國子生授江都知縣
燕兵至揚州御史王彬據城抗之為守將所縛本率
父老迎降成祖稱帝以滁泰二州知州房吉田慶威
率先歸附命與本並為揚州知府偕見任知府譚友
德同蒞府事尋擢本江西布政司右叅政永樂四年
召為工部左侍郎未幾坐累奪官命冠帶視事明年
復官奏贖署銜誤稱右侍郎為給事中所劾帝因而
命之尋復坐事謫交趾布政司吏仁宗監國奉召還
為刑部右侍郎號能摘姦發伏仁宗即位拜南京兵
部尚書兼掌都察院事明年被召入見言時政得失

且請嚴飭武備帝嘉納之遂留行在兵部宣德初工
部侍郎孫信乞徵軍匠家口隸錦衣衛本言軍匠二
萬六千人屬二百四十五衛所家以三四丁計之數
近半萬軍伍且缺誰與防守帝善本言且曰昔魏文
帝徵徙十萬戶實河南非卒賦切諫不能止朕嘗嘆
魏文不恤民艱每用自徵軍民利病鄉等宜具言不
遂朕不行也征漢庶人本以戎樞扈從調度兵食庶
不就命本樞輯其衆而錄其餘黨比還以軍政久
敝奸人用貨脫伍籍而援平民實伍言於帝擇廷臣
勑出釐正時馮大寧息畿內軍民畜牧並艱本請分

牧於山東河南及大名諸府山東河南養馬自此始
二年晉王濟熿坐不軌奪爵命本往山西散遣護衛
軍於邊鎮撫安州縣四年命兼太子賓客五年戶部
以官田租減度支不給請減外官俸及生員軍士月
給帝以軍士艱難不聽減餘下廷議本等持不可乃
止陽武侯薛祿城獨石諸戍成本往計守禦之宜還
奏稱旨命兼掌戶部本慮邊食不足而諸邊比歲檢
諸出絲麻布帛輸邊易穀多者三四十萬石少者亦
十萬石儲備頗充六年病卒帝深悼惜賜賻三萬緡
葬祭甚厚本一志奉公廉介有執持而尚刻少恕不

陳求慈其錄馬腹囊也齊從者多不免成祖嘗宴近
臣各設銀器以藥因以賜之本生葉獨設陶器諭之
卿就窮張銀器不知所用也本頃有謝興為上知如
此繼本為兵部尚書者許廓寧夫起襄城人永樂初
自錦衣衛經歷擢給事中遷鴻臚丞十年拜工部右
侍郎從北征董軍餉營建北京督神木廠往交趾均
采賦役仁宗立轉左侍郎宣德五年河南大饑廓奉
命撫輯築奇援寬道賦招還流民十萬餘戶甚稱帝
旨嘗本卒以廓代之本治事嚴厲廓承之以寬人皆
號服肅卒病卒

徐琦字良玉錢塘人其祖謫戍寧夏遂家焉琦自幼
力學淹通經史慶王聞其名延見器重之中永樂十
二年進士寧夏之有進士自琦始授行人歷刑部員
外部政行部兵曹宣宗即位命兵部清理天下軍伍
尚書張本委琦理其事竣調行在兵部職方員外
郎宣德五年詔簡廷臣有才望者使安南命蔡利權
國事大臣以琦薦擢行在右通政副侍郎章敬持節
往魏遺一無所愛還拜南京兵部右侍郎八年帝以
去南費賦不如額南征士卒未盡返復命琦往時餒
剋迭死其示麟疑未決琦宣布威德曉以禍福詢者

英賜帑國張聲麟贈琦代身金人貢方物以謝帝悅
命落琦代籍陞貴甚厚正統元年命考察南畿府縣
官時災異屢見琦陳弭災十事悉嘉納之五年命叅
贊南京機務十四年進南京兵部尚書叅贊如故有
事言徂奔分調南京官軍家口悉宜北徙朝廷欲行
之琦奏安土重遷人之情也今驟徙數萬衆人心一
搖事或它測議遂沮先是軍衛無學校琦請天下衛
所視府州縣例皆立學從之景泰元年靖遠伯王驥
兼督機務命琦專理部事三年驥解任琦仍叅贊琦
端厚重智惠周密常衆議盈廷獨守沉默徐出一

言斷之衆皆歎服景泰四年卒年六十八謚貞襄同
時有李郁者洛陽人永樂中以臨邛訓導超遷工科
給事中言事切直調戍邊仁宗立復給事中尋遷光
祿丞宣德五年簡廷臣為知府郁得長沙賜璽書給
驛如況鍾等故事居三年績最名署行在兵部右侍
郎已而實授英宗初立楊士奇等以天子冲年而以
海湖廣山東河南歲荒民困事變難測請遣文武大
臣往鎮撫於是都督陳德侍郎王佐鎮河南都督武
興都御史王翔鎮江西都督毛翔都御史賈諒鎮湖
廣都督與都督馮斌鎮山東尋持節賜交趾還理部

事正統初調南京兵部臨事明決尚書琦倚賴之
二年卒年七十九

柴車字叔與錢塘人永樂二年以舉人授兵部武選
司主事歷員外郎八年北征從尚書方賓扈行還遷
江南右叅議明年坐事左遷兵部職方司郎中出知
岳州府居三載復入為職方郎中宣德五年擢兵部
右侍郎明年以大同屯田多為豪強占據命車往按
之得田幾二千頃還之軍久之轉左侍郎英宗初西
部不靖以車廉幹命協贊甘肅軍務調軍給餉悉得
事置勦賊兒只伯寇涼州副總兵劉廣喪師敗律不

以實聞願反要功宜車功漢其罪澤命機廣請京賜
車金幣旌其忠直以州生官后能冒功得陞賞車旌
罷能復請帝宥之車反覆論其不可曰詐冒如能者
實繁有徒臣方次第按覈今甯能何以戢衆若無功
得官則捐軀死敵者何以待之帝雖寬從能請然內
嘉車賢遣使宴勞厚賜之尋以破梁兒只伯功增俸
七級在遠章數十上恭中時病同事多不悅車持益
整嘗建言漢北降人朝廷留之京師雖厚爵賞其心
終累如長脫脫木兒者皆隨其長未歸未幾叛去今
者復恭安歸此言不補叛宜徙之江南離其黨類事

市兵部請處之河間德州帝報可後有降者悉以此
令從事稽覈地田元將帥中貴所占據者悉清出之
將六百餘頃滿考進兵部尚書正統五年召還尋請
輟省墓明年還京熾疾卒車在江西時以參朱八閩
經廣信廣信守車故人也覲宴一罷發視之乃白金
笑曰公未知故以兵部不受同事違塞者多以宴樂
為豪舉車惡之遂斷酒肉其介特多此類人以風節
稱之

鄭汝亨天樞西安人永樂四年進士觀政刑部鄉人
由生事禁部獄者携重貨乞展為之地辰曰我方釋

禍而為人鬻獄亦拒之七年拜監察御史惟二力錄
隨寓舍蕭然江西安福民為怨家所誣坐以謀逆帝
命辰往勘具得狀福建番客殺人復命辰往按之
勅所在給衛士五百偪不虞此至察無他止坐首惡
而釋其餘南京勅建報恩寺役因徒萬人有蜚語害
後吏多謗訕恐有變辰奉命往驗竟無實無一得罪
者各庶人謀不執命辰察之盡得其踪跡還具以聞
帝語尚書方賓曰是真國家耳目臣矣十六年趙遷
屯西接察使糾陷貪濁澄東督股東旬新潞州盜起
有司訟叛聞詔發兵討捕時限以事朝京師帝詔辰

趙還治辰奏曰民豈敢叛若徇役而已請無發兵帝
然之還則屏騶從親入山谷撫諭盜皆感泣請復為
良民于九年禮部侍郎蔚綬督轉粟赴山海給軍辰
統山西民丁輦任往歷險遠民勞多逋耗綬督令即
山海貸償之辰曰山西民貧而悍急之恐生變不如
緩之使自通有無逋可漸償用其言卒無逋者丁內
艱歸山西軍民爭詣巡按御史求奪情御史以聞及
服闋竟還舊任宣德三年召為南京工部右侍郎初
兩京六部堂官缺帝命廷臣舉方面官堪內任者少
師襄義等以九人薦辰與馬帝皆用之然獨辰及邵

紀傳錄錄三人帝素知其名召即真授其餘試職而
已十年英宗即位分遣大臣考察天下方面官辰奉
命至四川貴州雲南悉奏罷其不職者正統元年命
辰賑南畿河南饑時河堤決即命辰伺便利修塞之
或建議自大名開渠引諸水通衛河利灌輸辰疏言
勞民不便事遂寢三年遷兵部左侍郎四年同豐城
侯李彬轉餉宣府大同鎮守都督譚廣素驕貴撓令
奏劾之事以辦集八年得風疾告歸卒賜祭葬辰為
人重義輕利初登進士產業悉以讓兄弟在山西時
與同僚杜忭事有違言已而杜卒為之治喪資遣其

妻于其卒也親疏皆為之流涕

魏源字次淵建昌人永樂四年進士除監察御史所
至舉其職松江知府黃子威被誣不能白源為辨其
枉浙東瀕海漁課困民源奏減之巡按陝西會西安
太疾源督有司具醫藥為療治全活甚衆奏言諸府
倉粟積一千九十餘萬石足支十年今民疫妨農請輸
鈔代兩稅之半從之涼州土寇將為變源廉知其情
亟請兵勦滅亂遂息兩遭喪俱起復洪熙元年出為
浙江按察副使宣德三年召署刑部右侍郎五年河
南荒旱民多轉徙命為河南左布政使至則發倉廩

振之先述賦雜役一切奏免流民漸歸兩亦旋降歲
復大豐八年召選明年授刑部左侍郎永豐民夏九
旭為亂帝以源江西人命往撫之都督任禮率兵繼
其後未至亂已定因命二人採木四川兼整飭邊務
未幾召拜刑部尚書獄無滯囚正統二年命征大同
宣府督察諸將得便宜行事源乃遣都指揮李謙守
獨石楊洪副之勅指揮杜衡等抵大辟諸將肅然按
行天城朔州諸險要金將吏分守之增修開平龍門
城皆甃以甃石獨石抵宣府增置墩堠免屯軍租一
年儲火器為遺傳諸依權貴避役者悉括歸伍邊務

修飭而言官以臨邊擅易置大臣為源罪合疏劾之
且言源為御史嘗犯職乃冒領誥命帝以源有勞置
不問比還朝與都御史陳智相讐於直廬帝聞兩責
之歲旱源錄上疑獄且請推行於天下從之旋坐斷
獄失入與侍郎何文淵俱下獄得宥而遼王責給事
起按問不稱旨復與文淵及陳智等繫詔獄累月始
釋還職七年以足疾免朝叅明年致仕尋卒源爽邁
不羣寬厚有器量一時稱能臣當源為尚書佐之者
陳鼎而代源為尚書者王質鼎字重器新興人永樂
五年進士以憲義薦除監察御史廉直有聲宣德

五年用薦出知建昌府賜勅乘傳以往及至威惠並
行荆王承奉蕭韶護衛指揮文斌怙勢暴橫劾奏
寘之法於是官校斂跡境內晏然十年擢右副都御
史與顧佐同振風紀正統元年拜刑部右侍郎又與
源同心盡職務為平允明年卒質字夢瑾太和人由
鄉舉為南陽訓導秩滿用薦擢御史宣德末遷四川
叅政陳十事咸切時弊行部不食肉唯飲青菜蜀人
稱為青菜丞擢出東右布政使有惠政召為戶部右
侍郎及源致仕詔簡公謙老成可代者廷臣共推質
遂以命之坐失因與侍郎郭瑾皆下獄左遷戶部侍

即明年閩浙銀坑盜起命質往治之道卒質好古博
學而拙於為文居身清約為時所重

熊藥字元節豐城人幼孤隨母適胡氏遂冒姓胡永
樂九年第進士授御史十六年擢廣西按察使黔蠻
大出劫掠布政使議請藩王兵遏之藥不可曰吾等
居方面寇至無捍禦顧煩王耶且寇必不至戒嚴而
已已而果然久之調廣東仁宗即位召還朝初憂原
告江南治水還也代以左通政趙居任兼督農務居
任不恤民歲以豐稔聞雖成祖亦知其誣罔既卒而
左通政岳福繼之庸懦不事事洪熙初元命藥以原

官與布政使周幹參政葉春同巡視應天蘇松常鎮
嘉湖杭八府宣德初幹還言福不任職乃召福還權
蔡大理寺卿與春巡視如故時浙西多豪民秉前政
稍弛恒持郡邑短長為不法海鹽民史慶真以罪戍
邊逃歸易名平康加縣橫肆掠奪御史捕之遁去會
赦還益聚黨至八百餘人有司莫能制蔡至復遁卒
捕誅之其黨咸伏辜乃而悉捕豪惡數十輩皆殺人
取財奪人妻女侵盜稅糧及老弱滑吏叢奸毒民者
械至京論如法於是姦宄帖息閭閻清靜初洪武中
以罪人充國子監膳夫永樂中罷之因役民樂既積

如洪武故事民稱便諸衛所種還不繼軍之食蔡以便宜發諸府贖罪米四萬二千餘石贖軍乃聞於朝帝諭戶部蔡所行良是勿以專擅罪也蔡用法嚴姦民憚之騰謗書於朝行在都御史遂劾蔡與春所至作威福縱兵擾民帝弗問陰使御史廉之無所得御史還報帝由是並任蔡賜璽書獎勵蔡亦自信不疑諸當與革者皆列以聞時屢遣部官至江南造紙市銅鐵蔡言水滂民饑乞罷之遂召還所遣官宣德四年還朝始獲姓亡何哥都察院右都御史治南院事八年行在都御史顧佐感疾驛召蔡代領其事九年

兼署刑部自朝錄囚日晏未暇食忽風眩卒賜祭給
舟歸其喪槨性剛決巡視江南威名日盛及掌臺憲
聲稱漸損於初議者惜之葉春者海鹽人起家掾吏
歷禮部郎中遷兩淮鹽運使改福建右叅政與縣巡
視諸府既還而復與錦衣指揮任啓御史賴瑛同太
監劉寧往巡視奉命凡三淮浙西雖治事於鄉人無
議其私者與縣同還朝為刑部右侍郎八年卒官
虞謙字伯益金壇人洪武中由國子生擢刑部郎中
遷杭州知府建文中嘗言僧道為民害江南寺院田
或多至數百頃徭役弗及請定制僧道田人無得過

五畝餘以給貧民從之永樂初召為大理寺少卿時
有詔建文中上言改舊制者悉令面陳謙乃言限田
事請罪帝見謙有怖容笑曰此秀才聞老佛耳釋弗
問命自後奏贖付六科不必面陳都察院論誑騙罪
準洪武榜例梟首以徇謙奏比奉詔自今準律斷罪
誑騙在律當杖而流梟首非詔書意帝從之天津衛
倉災焚糧數十萬石遣御史廉視還言主者盜用多
故縱火以自蓋追逮幾八百人應死者百人謙察其
寃白於上皆論減七年帝北巡皇太子奏謙為右副
都御史偕給事中杜欽巡視鳳陽淮揚水災疏請蠲

田賦賑貧民民間鬻男女為奴婢者出官錢贖還又
命督兩浙蘇松諸府賦輸南北京及徐州淮安先是
富民賂有司率得近地而貧民多運北京謙建議為
四等丁多而糧最少者運北京次少者運徐州丁糧
等運南京淮安丁少糧多存留本土民利賴之坐累
免官十六年復職十九年佾給事中許能巡撫浙江
仁宗即位尤慎刑獄改謙為大理卿凡法司及四方
所上獄再三參覆必求其平曰彼無憾斯我無憾矣
亡何有言謙所奏帝當密請旨不當廷奏市恩又言
評事楊時習嘗勸謙密陳而謙不聽帝怒降謙為少

鄉而起拜時習為鄉一日楊士奇奏事畢不退帝問
有所欲言乎曰有禮非虞謙乎曰然帝曰吾亦悔之
士奇因其白其誣且言謙歷事三朝得大臣體不宜
輕貶帝乃出時習為文趾按察使而復謙故職會有
詔求直言謙上言七事帝皆嘉納宣德三年卒於官
謙江詩善寫山水自負一時才望工部侍郎蘇瓚以
猥雜班謙上謙恒怏怏故時人隘其量云

賈諒字子信澤人永樂中由鄉舉入太學選侍皇太
孫說書擢刑科給事中宣德四年進都給事中嘗劾
奏清軍侍郎金庫受屬吏賄庫坐除名又與御史張

居傑劾戶部郎中蕭翔等四人挾妓酣飲御史方政
等十三人託疾不事事悉下獄貶官又劾陽武侯薛
祿朋比不敬廷中肅然然持大體不為苛細每獄獄
審執奏至再三曰近臣以言為職知而不言如寃抑
何明年拜右副都御史偕錦衣指揮王裕參議黃翰
中官張義等巡視江兩按治豪強未少假七年奉使
甘肅奏蘭縣造北諸驛造困敝八年復同王裕捕郭
縣劇盜還替山東胸治英宗即位出鎮湖廣正統二
年奉命治濟寧於花河道賑濟淮揚諸府若饑民十
餘萬徐州盜越城被劾帝宥之盜逸入芒碭山結聚

為民患諒捕獲甚衆還至德州卒諒內行修當官有
風米士類稱之繼諒為副都御史者下璿上元人永
樂中進士歷工部主事坐事謫戍盧龍者十年御史
張政過之適有人報君家失火已獲盜需君往驗璿
謝無之政問故璿曰吾寧失火不忍致人死也時禁
盜者死故璿云然薦之朝召為監察御史正統初擢
僉都御史督宣府大同軍儲麓川蠻叛召璿秉傳往
視言用兵便宜十餘事遂命巡撫雲南督餉麓川
平召還為左副都御史尋致仕卒璿宅心仁恕居家
孝友歷官所至有聲績曹翼新州人永樂末年進士

除御史宣宗末巡按陝西鎮守中官王貴占屯田百
餘頃私役軍士九百人翼劾奏之還所侵於軍擢右
僉都御史提督甘州邊備叅贊軍務時議甘州諸衛
新墾田人不滿五十畝者蠲其稅翼言新墾田畝輸
五升固已輕矣若盡除屯租必重增民稅關中民困
已極朝廷何忍損彼以益此肅州鎮番鎮夷諸城堡
常極邊或請棄之翼言祖宗開拓疆宇尺寸不可棄
請治妄言者罪事並獲止翼在甘肅先後十餘年與
僉都御史程富歲平番代愛惜軍士按治豪強以剛
正不阿見稱於時正統十年進右副都御史十四年

致仕去

嚴本字志道江陰人少通羣籍以歷代刑書惟刑統
為善傳霖刑統賦辭約義博註者非一乃著輯義四
卷永樂十一年以薦徵至南京塞義試以律疑數條
敷析精暢授刑部主事時侍郎張本掌部事號廉明
官吏少當意者顧獨重本疑獄輒俾訊之奉命督事
薇寧諸府知府魏酒穀亦却不受時督辦後期例罰
工本不忍急責民或以為言本曰吾已辦矣蓋已寓
書其子鬻田為工作費也從尚書宋禮伐木四川仁
宗立刑部尚書金純大理卿虞謙交薦改大理寺寺

正時法司斷獄多以知情故縱及大不敢論罪本爭
之曰律自叛逆數條外無故縱之文即不敢情有重
輕庸可聚入重比諫題之悉為駁正良鄉民有失馬
者疑其鄰盜之執告於縣丞拷訊至死法司坐丞決
罰不如法當徒而坐告者以絞本司罪丞當矣告者
因疑而訴豈可律以誣告致死信如所擬是丞與告
者各殺一人矣可乎駁正之荅州屯卒奪民田民訟
於官卒被笞去夜盜民驢以歸民搜得之卒反以為
誣擒送千戶民被禁勘死事覺法司坐千戶徒本司
殺以止殺千戶得生則死者卹寃遂正其故勘罪蘇

州衛卒十餘人運餉舟泊河西務夜劫客舟其一人
為客所殺懼事覺一鄰舟解因人行劫其侶往救見
殺皆誣服本覽牘疑之曰解人與因同舟借使為盜
固必知之按驗果得資本少好彈琵琶亦嘗為酒困
夜壯請書有省遂屏絕聲色立身方嚴非禮弗履年
七十八卒其時為大理有名者又有呂升仰瞻升山
陰人永樂初為溧陽教諭以薦擢江西按察僉事歷
江西福建所至以清慎著聲入為大理寺少卿用法
公平宣德八年致仕卒瞻長洲人永樂中由虎賁衛
經歷遷大理寺丞正統間奉命再出捕蝗宦官王振

用事百官多奔走其門惟騰興大理解薛瑄不往會
與瑄辨殺大寃獄益忤振遂謫戍大同景泰初召為
右寺丞執法愈堅在位者多不合移疾乞歸加大理
少卿致仕去

論曰仁宣總攬萬機英廟之初政由內閣六官惟率
屬以承事而已而又時際隆平謹守成憲以故列卿
雖久於其位少所建明然而操行峻夸風流篤厚蔚
有古良臣之風烈馬詩云溫恭朝夕執事有恪殆諸
性之謂矣

明史卷二百九

列傳六十

李昌祺 蕭州人 陳士啓

徐永達 新義人 鍾

王琦 高舉 應履平

何源

張政 胡器 朱仲安

林碩 鄭瑤 梓

陳璇 吳寅 楊彭 勗

尤安禮

夏時 萬觀

黃潤玉

王哲 嚴烜 唐吳

舟陳 惠

孫鼎

李昌祺名禎以字行廬陵人永樂二年進士選庶吉士入翰林預修永樂大典昌祺素以博洽名倅書疑

事人多就質鈎校精勤不輟寒暑書成擢禮部郎中
尚書呂震臥而懷叙僚屬多不以禮獨器重昌祺昌
祺亦無所阿附十六年擢廣西左布政使務以德化
人溪洞蠻僚聞風歛跡居二年坐事謫役房山尋宥
還洪熙元年起河南布政使至則宣布德意絕豪猾
去貪殘疏滯舉廢救災恤貧與同官蕭省身協衷為
治政化大行久之憂歸宣宗已命侍郎魏源代昌祺
而是時河南大旱民饑廷臣復請起昌祺治之於是
命奪喪乘傳赴官第祺撫恤災民勤勞甚至既而鄭
中牟州縣四十復旱奏停其秋賦並統改元上書陳

三事皆報可四年致仕家居二十餘年屏跡不入公
府故虛裁蔽風雨一作臘不充人服其清節景泰中卒
昌祺在房山嘗著剪燈餘話為輕薄者所喜李時勉
為祭酒疏請禁之後韓雍撫江西舉故賢士大夫祀
鄉賢祠昌祺以撰此書故不獲預云省身者泰和人
與昌祺同舉進士同修永樂大典由刑部郎中擢河
南右布政使為治存大體畧小過以長者見稱然省
身能容人遇獨不肯自恕有小失輒面發赤不自安
必改之乃已洪熙元年考滿當給誥命省身奏父年
八十餘願以誥封給父帝嘉而許之其後陳請者不

絕率以省身為例省身居河南十二年其治行與呂
祺並稱

陳士啓名雷以字行泰和人永樂二年進士入翰林
為庶吉士與修永樂大典權禮部郎中當是時呂震
為尚書好下詔己尹昌隆不為附即以事擠之至死
同列益惴惴士啓獨不少徇或言昌隆非前鑒乎答
曰死生命也吾恭勤我職禍福聽之枉已求容不能
也震深惡之然卒不能害丁內艱去服闋還職永樂
十二年三月吏部署布按二司多缺官帝曰布政按
察即古方岳之臣方數千里之地懸諸數人之手得

其人然後民安而政理其簡達隆賢能者分別用之
於是諸書郎給事等出為監司者二十餘人而士啓
待山東右叅政士啓每事務盡心而不察察為名不
苛惡責效行部督徭賦不峻期約民得自便事集而
人不擾青州歲饑具疏上聞朝廷遣使偕士啓賑之
粟比至而饑民倍增使者議再奏俟報士啓曰民命
在旦夕請發奏即出粟即有罪吾自任之遂獨具奏
廷議從之唐齊鬼作亂坐下獄數月得釋還職高煦
潛謀不軌士啓適至青州聞之暮夜馳歸語三司具
密奏聞於朝高煦既執命從陽武侯薛祿兵部尚書

張本錄其餘黨撫安人民事竣又命清理山東軍籍
宣德六年卒於官

徐永達字志道歸德人洪武末以鄉舉入太學授同
官教諭再調宜章寶鷄永樂間被薦授翰林編修侍
皇太孫讀書太孫升儲遷右春坊右中允宣德初擢
鴻臚寺少卿進為卿交趾黎利既得國帝將赦其罪
求陳氏子孫立之乃命永達副侍郎李琦等往使贈
遺珍寶累千金悉却不受又明年再與琦奉使還遼
湖廣按察使內艱歸正統初服闋補山西巡按御史
頗總非法用刑永達劾貶之都御史陳智怒陰益後

御史二人廉其過皆無所得智愈怒欲罪後御史御史史遂發智前所屬事帝詰責智而宥之智大慚永達名並振在山西七年日蔬食再餐妻張居於家紡績以供其衣卒之日貧不能具棺巡撫于謙往平解金帶賻之同時有洪人靳義字原禮洪武中以鄉舉入國子監授監察御史永樂初出按畿輔糾治貪墨決疑獄剝滯訟咸得其情日恒蔬食官寺蕭然若僧舍時仁宗以世子守北京語左右曰靳義可謂真御史為賜魚米旌其廉還朝遷湖廣按察副使首舉奏按察使吳公悅都指揮王玉奸貪罪風紀大振十八年

入現年南昌龔鑑字子諫由鄉舉入國學建文時授
兵科試給事中成祖命實授尋擢雲南僉事秩滿赴
京上書陳時政闕失忤旨下詔獄罰輸作用薦以原
官赴任廣西久之調廣東宣德末再用薦擢四川按
察使時蜀民坐盜淹獄者至三百餘人未獲者倍之
他繫囚尤多鑑察其中多寃繫乞加獄決疑者釋之
牽連者勿捕并請推行之天下英宗可之居四川七
年獄無滯囚以老告歸卒鑑剛介直諒所至廉潔自
將屢建白咸切時弊歷官餘四十年家無累黍之積
人服其清仁和與琦字文進永樂中舉人由汝州學

正擢御史出為山西按察僉事遷四川副使居官方
潔年未五十致仕家無擔石儲衣敝緌之以紙冬
月大雪連旬僵卧不能出杭州守胡濟知其貧餽之
不受乃奏聞於朝詔賜之金琦北面再拜辭謝曰在
官得祿猶為忝竊身居田里無功朝廷敢受金乎竟
凍餓而死祥符高舉字雲翰弱冠時父富戍遙舉棄
業荷戈代父行後遇赦還舉永樂十六年進士選為
庶吉士授兵科給事中劾直忤時解官歸汴舊廬數
椽不蔽風日惡衣菲食恬如也巡撫于謙雅重之數
過其廬至里門下車屏騶從及門肅禮而入或值其

飯蔬食菜羹輒留對食謙欣然飽之坐談移晷乃去
年九十而終長洲趙忠字行恕宣德五年進士以御
史歷按四川浙江清理廣東軍政終雲南叅議忠久
宦無餘資致仕還鄉其居為族人所售子子無所歸
其友朱名仲歎曰烏有宦成歸田而困若是者乎推
餘屋居之及卒不能喪名仲與其友數人襄事乃克
殮又有侯官王善字師舜永樂中進士授刑部主事
存心仁恕不事深刻有疑獄多所平反或誣善受賂
帝因善入朝留之遣人往檢其家惟賜鈔半錠帝曰
廉吏也擢郎中宣德中為雲南布政司叅議值歲歉

蜀僧寺徭役全蠲粟數萬以賑流移所活甚衆致仕
家居二十年九十歲乃卒

應履平奉化人建文二年進士授德化知縣歷官吏
部稽勲司郎中出為常德知府宣宗初擢貴州按察
使履平性剛直所至祛除奸蠹既典黔臬益厲風紀
數論時政舊制都督府遣使於外必領內府勘合稽
驗亦不敢輒下衛惟訪都司坐微而已至是軍府寔
驕橫使者往往止扶闕文秉傳四馳經歷諸衛腹削
軍伍軍伍大苦之宣德七年履平抗疏言勘合之設
所以防詐偽今右軍府之遣發至黔者既不遵故事

加小人憑勢恣意橫求。既有詐冒。何從稽首。請自今
五府遣使事。無巨細。必填內府。勘合所司。驗實然後
奉行。無者就執。至京。無革奸弊。宣宗善其言。命右府
其實。以聞。於是都督陳政引罪。帝命都察院牒諸司
永守之。諸軍府為之戢。伏廣西總兵官山雲以侮禦
鑿種歲。調貴州軍萬餘人。春秋更代。還多逃亡。則取
原衛軍補伍。不復逐逃者。獲平奏言。貴州僻在西南
四境皆蠻苗。但宜示之兵威。未可繩以刑憲。若軍伍
空虛。一旦有急戰。奈何。齊今每歲遣往廣西諸軍。於
彼逃亡於此。青種如宣德五年二月。遣還五十餘人。

逃者二千八百奇。今年補之。責諸原衛。明年復然。不數年後。貴州軍伍日空。邊釁且起。各將誰執。乞勅兵部。凡調往廣西軍。悉令還衛。帝乃命兵部檄雲使。嚴責廣西諸衛。追取逃軍補伍。俟廣西軍足。用即遣還貴州。戍卒雲本名將鎮粵。有功。帝雖采。用履平言。勢不能一時。革故雲亦輕。履平書生。雖承部檄。因循而已。正統元年。履平遂劾雲。專弄權柄。擅作威福。帝令雲自陳。雲乃大驚。上章引罪。乃宥之。仍降勅戒諭。雲為氣懾者久之。時方面以公事行部者。例不得給驛。履平言。僦車雇舟。必至擾民。請給驛。便從之。二年。

履平又以軍伍不足請自後衛所官旗犯雜死及徒
流者俱送鎮將令其立功期滿各還職伍其併遣軍
人犯盜及土官民與官旗罪輕者俱視缺儲所在入粟
贖罪尋又請令鎮遠六府仍食淮塩貴州諸衛軍糧
就近開支及免雜課掩暴骨諸事並見施行王師征
麓川遷雲南左布政使贊畫軍務麓川屢用兵皆預
有勞八年致仕家居十餘年卒

何源字幼澄吳江人洪武中以鄉舉授保德州學正
擢德州知州有異政隣邑蝗不入源境擢知梧州府
歲大澇民流亡衆議請賑源曰自梧達京師八千里

得請民死腊矣。師發凍賑濟全活甚衆。粵俗信鬼多淫祠。源下令悉毀之。尋坐事謫。交趾交趾新隸版籍。民習蠻俗。犷悍不知禮義。英國公張輔聞源至。檄署奕州學事。源因其風土。施設條約。所造士為多。召為吏部考功員外郎。遷鄭王府右長史。尋入為文選司郎中。擢江西右布政使。部檄僉軍三千人補遼東萬全失寧三衛伍籍。源憫其遠戍。奏請改隸南昌衛。民甚德焉。正統三年致仕。歸明年卒。

張政廣德人。永樂十六年進士。授御史。束修砥行。遇事敢言。宣德政元。出按山西。時詔書蠲天下逃戶逋

租而定興諸縣以有司嚮者失報獨不預政疏聞於
朝帝顧夏原吉曰大赦之後何逋不除豈可因初未
申聞便責徵納耶其速除之山西歲比不登諸郡逋
租積至二百餘萬石政請隨地所產折收布帛戶部
執不許帝竟許之政素有風采至是懲貪去暴治行
稱最其冬即起拜山西按察使兩坐事被逮皆得雪
雖遭挫抑不改其操在山西數年風紀大振卒於官
與政並為按察使者有胡器朱仲安童寅器字士連
新淦人洪武中由國子生授普安軍民府通判練子
寧薦其賢擢泉州知府有善政召修永樂大典士民

號泣送之。書成還任。永樂二十年拜貴州按察使。治
尚寬簡而法亦不輕貸民。夷咸敬愛之。以老致仕。仲
安蕭山人。由學官調武進簿。擢知縣。坐累貶定興丞。
用薦除監察御史。歷湖廣交趾。副使坐累復為御史。
仁宗重其學行。嘗謂侍臣曰。朱仲安御史之翹楚也。
宣德三年超擢河南按察使。九年卒。仲安守官廉臨
事務存大體。為人所稱。寅字以敬。隨人永樂二年進
士。除御史出巡蘇松雲南。按事遼東。曾有聲。擢交趾
按察使。母喪闋政。江西寅廉介勤慎而宅心寬恕。獄
無冤滯。上下稱之。無間言。後仲安數月卒。家無遺貲。

妻子不免寒餒云

林碩字懋弘閩人永樂十年進士授監察御史出按山東浙江為治嚴肅宣德初擢浙江按察使時中貴裴可烈督運在浙有涉千戶者賄結之倚其勢為奸利碩特繩以法中貴怒奏碩誹謗毀格詔書逮至闕下碩叩頭言臣前為御史官七品今擢按察官三品日夜淬勵惟恐不克報上恩敢誹謗乎緣臣前按浙小人多有不便者今但欲去臣自便耳唯陛下察之帝為動容曰朕固未之信特召若面訊耳立釋碩復其官而降勅切責可烈碩在浙久人懷其惠嘗以誤

引敕例出人死罪為僉事狀定所劾逮訊輸贖還職
遷廣東布政使卒官其後寧波知府鄭珞抗疏劾可
烈不法可烈竟罷去珞亦閩人由庶吉士改刑部主
事出守寧波有政績丁艱常去郡民乞留詔起復仕
至浙江左叅政其與林碩先後按察浙江者蔡楫沛
人由鄉舉為嘉興知縣初至官出滯囚二百餘人勸
率甯民納逋糧四十八萬石有奇於縣廳置二牌識
民善惡民感愧多改行為善擢監察御史董伐材於
江西屢疏民疾苦以聞出為浙江僉事正己率下而
寬猛適中人咸稱之陳璇鳳陽人由進士授御史出

按山西首勅鎮守都督李謙貪縱罪列郡肅然用薦
擢雲南按察司僉事滇人稱之遷浙江按察使先是
軒輓為使政尚嚴璵繼之以簡靖有謂其少撻挾者
璵曰法貴禁人不犯犯而按之不得已也寧以是為
賢耶兩司官市物於民率給直才之一隸又緣為奸
民大苦之璵痛革其弊同官不能堪會都御史洪英
以考察至群譖之遂罷璵官浙人數千號泣擁璵馬
不得行且詣闕言詔狀璵復任既而英復來鎮守
必欲去璵誣以援驛下巡按御史問狀具白其誣言
官交劾英英坐奪官而璵治行益顯天順中致仕歸

裝圖書數篋而還。又有吳楊者，新淦人。永樂中進士，由刑部郎中擢廣東布政使，勸農桑興學校。凡所設施，皆有次第，嶺南人便安之。楊為曹郎時，以簡靜恬默為公卿所重。少師楊溥嘗訪以人才，楊遜謝固強之，乃以數人對。溥筆之於冊，以次擢用，皆為名臣。其出為監司，以楊榮薦楊士奇，適自消墓還朝，歎曰：「吳楊才識，詎宜外補！其推重如此，先是為廣東布政者，有王公亮筆亭人洪武中為吏科給事中，歷應天府丞。永樂初，出為四川右布政使，調廣東，居官簡靜，知人體所，至廉勤愷悌，人皆悅服。又有梁觀者，當塗人。

永樂中由國子生擢吏科給事中遷四川按察僉事
改廣東剛介廉平能振風紀嘗按事潮州有寇嘯聚
小澤間衛將欲勦之觀曰民貧不得已為盜以兵臨
之殺慘必多盍使之改過遂傳檄諭以禍福寇皆解
散潮人德之其沒也為侂禮歛葬肖像祀之昌黎祠
彭勗字祖期永豐人幼有異秉七歲從鄉人入佛寺
獨不拜僧強之叱曰披不衣冠而袒跣何拜為永樂
十二年舉進士以親老乞近地便養除南雄府教授
學舍後故有女祠數現光怪異時學官弟子率禱祀
以為常勗至命撤而焚之時主雲南省試有臨安生

懷金求見勗叱卻之黔國公以下咸為加禮滿九年
考當進秩勗曰向就教為遠親也他非所望仍補建
寧教授有許宗道者假醫術諂事上官得其歡副使
王增行部得疾宗道以私忿誣諸生游亨魔鬼所致
以舍旁董五部祠為徵增信之真亨一家七人重罪
並執近祠居民下獄者四百餘家一日官屬會揖勗
獨立抗論將氏非巫者董五部非邪神初捐地築城
人也事載郡志公勿以讒言起大獄增愕然索圖志
證之大慙悔事得解建寧朱子故宅有祠無祭勗疏
請葬其祠以時舉祭稍蠲予孫徭役舁尊賢堂以祀

胡文定蔡九峯真西山諸生翕然皆嚮於學正統元年以楊士奇薦召拜監察御史時初設提學官命勗往督南畿學校勗以師道自任詳立條教寬嚴得中士風大振嘗具疏言國朝祠祭載在禮官修葺起於梁武帝設醮起於宋徽宗非盛世事宜一切除之禁止創立庵院罷給僧尼度牒庶不為異端所惑又言真定保定山東之民逃入鳳陽潁州者動以萬計胥守令匿災不報徵歛科急致然乞朝廷軫恤凡天下被災之所諸糧稅逋負悉蠲之仍驗口賑贍自今守令課績宜以戶口增耗為殿最又請設南京諸衛武

樂銘皆報可所至歷代先賢墳祠皆為葺治冀治獎
勵風教毋憂歸起復政吏部考功部中明習典故獄
藏無所依回同官皆不便也出為山東按察司副使
己巳之變數言兵事廷議欲驟用之竟以亢直不諧
請致仕歸景泰四年卒

亢安禮字文度長洲人父義元末辟樞密掾遭亂屏
居二十年洪武中舉人才授湖廣布政司經歷安禮
少從父寓武昌與楊翥楊士奇相友善歸補邑諸生
有同學生坐事當遠戍臨行泣曰吾必不生還奈幼
女何安禮曰安禮存子何慮此吾有子當娶子女已

而同學生果死成所女有痼疾安禮曰吾可食言於
吾亡友耶卒為子娶之以薦授崇安教諭秩滿諸生
詣闕請留命增秩還任尋擢兵部武庫司郎中遷貴
州布政司叅議引疾歸知府况鍾朝京師士奇問在
君起居鍾謝不識歸而訪安禮乃居窮巷中屋宇隘
陋甚鍾請割官地益之固辭不可安禮平居循循無
可否至取予辭受毅然不苟竟以老壽終

夏時字以正錢塘人永樂十六年進士授戶科給事
中洪熙元年議改鈔法時力言其擾肆市無裨國用
疏留中已而鈔果大沮民多犯禁議竟寢於是帝思

時言命侍皇太子祀祖陵孝陵所過有災傷輒白太子發粟賑濟留署南戶科宣德初一日三上封事稱旨命署尚寶司兼理吏禮兵刑四科視七篆無留事六年穀後湖黃冊陳便宜十四事八年時言臣過邳徐濟寧臨清武清詢知冬春無雨民食艱甚乞賑卹帝諭行在戶部遣官巡視發廩必賑尋擢江西僉事正統三年時奏當今守令刻薄相尚刑及無辜傷和于紀乞令巡按御史按察司官躬詣所部閱視罪因辨釋冤滯仍遠達枉官吏按問如律從之遷叅議七年奏恤民六事多議行大臣交薦超擢廣西左布政

使前後所上又十餘疏雖不盡見用天下壯其敢言
年未七十致仕歸卒其為僉事時進知州柯遷所撰
教民條約及均徭冊式刊行之者為令人皆稱便時
生平廉潔好義親歿廬墓有異徵沒而鄉人祀之名
其祠曰孝廉

萬觀字經訓南昌人永樂十九年進士帝欲老其才
用之俾歸進學尋召為監察御史未幾出知嚴州府
七里瀧漁艇數百夜行劫商旅患之觀下令十艘為
一甲各限以地使相守犯盜必連坐不期月盜息郡
多大山田少民貧觀巡視山有可耕者聽貧民耕墾

而俾富者助之民食以足歲織造多於他府請計民
力為準而減之迭運船多而過使少歲治船為民病
請減其半地少蠲桑絲稅多民弗便請以銀代輸學
舍傾圯出俸新之以時課諸生諸生爭奮於學由是
科名踵相接桐廬嚴光祠久廢奏建之求其裔居守
奉祀復其身居三載興利祛弊無遺者考績入京賜
誥命時天下知府受賜者僅三人觀居首尋丁內艱
去部民奔詣上官乞留不可度服將闋豫上章願復
得觀為守而衢婺之民重慕觀亦上章請之會有言
平陽剽劫非觀不可者遂補知平陽屬連歲歉公私

交置觀駕於恤民流亡未歸歲亦屢豐馬先是百工
赴役入京者或後期工部下有司遣送之械繫如罪
人有死於道者觀惻然此再遣召諭之曰若匠藝當
赴役非囚此也今去若組械能誠信奉令乎衆懼曰
謹受教無一人敢後者堯祠廢奏請新之芝生於棟
滿九載公卿交薦擢山東右布政使尋轉左野有蝗
督有司捕之又虔禱於神蝗遂息民多健訟訴牒填
委觀計日疏決獄為之清景泰初以勞致疾卒
黃潤玉字孟清鄆人十歲行道見遺金不顧人皆嗟
異之永樂九年父當徙實北京潤玉年十三詣官請

代官少之對曰父去日益老兒去日益壯官異而從
之抵京與同役者暨團屬疏為生稍暇輒刻苦為學
里中子弟多從之遂舉京闈鄉試授建昌府學訓導
外艱闋改訓南昌府用薦拜監察御史出按湖廣奏
斥不職者自布政以下百二十餘人一時墨吏殆盡
正統二年以楊士奇薦授廣西提學僉事粵右地阻
蠻徼人文樸儻潤王督率師儒振起文教士始彬彬
向學內艱闋改湖廣按察司僉事持法甚嚴巡撫都
御史李賓素驕侮潤王事之無加禮連黜墨吏二人
甘賓姻也賓大怒撫其短不得乃劾潤王不諳刑律

降含山知縣縣多逋稅潤玉謂稅逋由民失業民之
失業由水利不修也乃浚麻河以通水利農桑大興
縣有廬場吏昏叢穴為奸蠹潤玉悉革其弊徭均訟
平民感悅之尋請老致仕居家二十載杜門著書年
八十有九而卒平生峻介寡交遊惟與李時勉薛瑄
廖善子隆進士仕至四川副使亦以學行聞

王哲清苑人永樂中以鄉舉入太學擢監察御史巡
按遼東江西河南所至有聲累遷山東左叅政先是
登州歲撥富民運綿布赴遼東都司給賜軍士比至
稱紕薄短窄責全賠償富民率破家或遂不能返哲

疏奏乞令還京每歲委官預赴登州府驗視然後發遣帝從其言百姓便之官至湖廣布政使哲性至孝居官峻厲廉潔民爲之歌曰王捕虎最執古心無私人不苦囊無錢衣有補哲善治奸滑不避豪貴故以捕虎稱

嚴烜字熙叔懷安人永樂中進士授監察御史巡將山東歲旱民饑奏蠲其科稅發倉廩賑之再按畿甸四川俱有旱宣德四年按河南奏天下都司衛所武官有年老力衰猶任事者有罪則止收贖及差違則稱老疾不惟糜俸且悞軍政乞勅兵部年老者令其

李孫代之庶官無曠職又言開封懷慶等府秋糧運
至京者八十餘萬雇船之費倍於納糧乞於臨清倉
輸納為便事俱施行出為浙江僉事處州賊徐子舉
作亂連坐五十餘人烜悉散遣復業後侍郎成均奉
詔考察有毀烜者遂陳情乞興學校使養除金華教
授卒烜性至孝少時祖母陳疾篤每夕禱北辰求以
身代剗股以進居官三十年號稱廉介同時有唐舟
者瓊山人永樂二年進士授新建知縣始至甚簡默
久之邑大治人問其故曰新任如處暗室輕動必有
觸損久坐自明擢江西按察僉事坐累貶判衢州再

繡成隆慶仁宗時以大臣薦為監察御史即抗疏論
內侍風節愈劾出按浙江有廉聲陳憲者定海人由
進士授監察御史巡按湖廣江西皆著政績吉安守
禦千戶臧清貪淫凶惡人莫敢問憲按其罪械送京
師久之憲坐累下刑部事已白未出臧清猶在獄夜
竊望憲所臥辱憲憲忿恨死宣宗一日問侍臣曰聞
御史陳憲能振風紀今安在侍臣以實對帝深惜之
會有告清他罪者遂磔清於市又有吳昇者懷寧人
宣德中進士正統初為工科給事中上言御史朝廷
耳目近悉命在京三品以上保舉彼既心德大臣則

大臣或不法安肯徇私恩而抗公言哉又言此來中外陳言執政或惡其中已之病或以所見與已忤輒駁令指責臣恐此風一開無復直言矣帝悉嘉納時外官州縣以上皆出廷臣推用科道任滿由都御史掌科保任方得遷擢而方面缺人大臣惟薦僚屬給事不得預界請遷除考覈悉歸之吏部給事亦宜量擢方面詔惟方面保舉如故餘並從之後浙江礦盜起出界為右叅議討擒其寇劾奏都指揮以下數人悉置之法久之置仕歸

孫鼎字宜鉉廬陵人永樂間由舉人歷松江教授正

統八年楊濟薦為監察御史代彭勗董南畿學政教
士以德行為本而文藝次之每學置本源錄錄諸生
善行以身為率不事譏防抄部不令人知單與粹至
諸生集謁轅前門試之即日定其中乙諸生試畢甫
歸榜已揭於通衢請託者無所措手則相驚以為神
通州旱饑奏蠲糧三千四百餘石民賴以蘇英宗北
狩未還賜試罷謂諸生曰諸君從有司試當簪花宴
餞今乃徒手枕戈之秋也吾不敢陷諸君以不義為
致若欲步而送諸門既而詣闕上事請隨所用效死
不報未幾以親老致仕知府張瑄疏言鼎孝追曾閔

學繼朱程宜起居論思之職不果天順元年卒

論曰明初設布按二司準古岳牧之任成祖多選臺
鍊之賢者為之仁宗至書其姓名於門序朝夕省覽
蓋待之如是其重也一時監司遂亦勉自刻厲以副
任使風裁凜凜有足稱述者焉迨於巡撫設而方面
輕保舉行而資格濫吏治駸駸渝其質矣噫